

| HELAIAN PENDEDAHAN PRODUK | Etiqa Life Insurance Berhad ("Syarikat"/ "Kami") |
|---|---|
| Sila baca Helaian Pendedahan Produk ini sebelum anda memutuskan untuk membeli Etiqa Term Plus. Anda juga diminta untuk membaca terma-terma dan syarat-syarat amnya. | Etiqa Term Plus |
| | <Date> |

1. Apakah ciri-ciri produk ini?

Etiqa Term Plus merupakan satu pelan insurans yang memberi manfaat kematian dan hilang upaya menyeluruh dan kekal (HUMK) sehingga umur 70 tahun. Jumlah yang diinsuranskan tambahan akan dibayar sekiranya kematian atau HUMK disebabkan oleh kemalangan.

2. Apakah perlindungan / manfaat yang diberikan?

| No. | Perlindungan/ Manfaat | Huraian Manfaat |
|-----|--|--|
| 1. | Kematian | <p>Apabila berlaku kematian orang yang diinsuranskan, jumlah yang diinsuranskan sebanyak RM<sum insured> akan dibayar.</p> <p>Nota:</p> <ul style="list-style-type: none"> a) Apabila kematian yang bukan disebabkan oleh kemalangan berlaku dalam tempoh 1 tahun dari tarikh pengeluaran, manfaat kematian yang dibayar adalah pengembalian semula jumlah premium yang dibayar di bawah polisi ini. b) Polisi ini akan ditamatkan selepas pembayaran manfaat kematian, dan tiada manfaat lain yang akan dibayar selepas itu. |
| 2. | Hilang Upaya Menyeluruh dan Kekal (HUMK) | <p>Apabila berlaku HUMK bagi orang yang diinsuranskan, jumlah yang diinsuranskan sebanyak RM<sum insured> akan dibayar.</p> <p>Nota:</p> <ul style="list-style-type: none"> a) Apabila HUMK yang bukan disebabkan oleh kemalangan berlaku dalam tempoh 1 tahun dari tarikh pengeluaran, manfaat HUMK yang dibayar adalah pengembalian semula jumlah premium yang dibayar di bawah polisi ini. b) Polisi ini akan ditamatkan selepas pembayaran manfaat HUMK, dan tiada manfaat lain yang akan dibayar selepas itu. |
| 3. | Manfaat Kemalangan | <p><u>Kematian Akibat Kemalangan:</u></p> <ul style="list-style-type: none"> 1) Apabila berlaku kematian orang yang diinsuranskan disebabkan oleh kemalangan, tambahan 100% daripada jumlah yang diinsuranskan akan dibayar, diatas manfaat kematian. 2) Sekiranya kematian orang yang diinsuranskan disebabkan oleh kemalangan semasa berada di luar Malaysia, tambahan 200% daripada jumlah yang diinsuranskan akan dibayar, diatas manfaat kematian. <p>Nota:</p> <p>Manfaat kematian akibat kemalangan berlaku di luar Malaysia adalah tertakluk kepada tempoh perjalanan 90 hari berturut-turut. Jika kematian akibat kemalangan di luar Malaysia berlaku selepas tempoh melebihi 90 hari, jumlah yang akan dibayar adalah terhad kepada tambahan 100% daripada jumlah yang diinsuranskan.</p> <p><u>HUMK Akibat Kemalangan:</u></p> <p>Apabila berlaku HUMK orang yang diinsuranskan disebabkan oleh kemalangan, tambahan 100% daripada jumlah yang diinsuranskan akan dibayar, diatas manfaat HUMK.</p> |

Peringatan: Sila rujuk ilustrasi jualan untuk jumlah yang diinsuranskan, tempoh perlindungan dan butiran tempoh pembayaran premium polisi anda. Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Kami atau PIDM (layari www.pidm.gov.my).

3. Berapakah jumlah premium yang perlu saya bayar?

Anggaran premium tahun pertama yang perlu anda bayar ialah <RM premium>. Tempoh polisi dan tempoh pembayaran premium ialah <tempoh> tahun.

Premium yang ditunjukkan adalah berdasarkan umur yang telah dicapai anda (hari jadi berikutnya) pada tarikh permulaan, dan akan berubah berdasarkan umur yang telah dicapai pada tahun polisi semasa. Kadar premium adalah tidak dijamin dan Kami berhak untuk mengubah kadar premium dengan memberikan notis 3 bulan lebih awal.

Semua premium (jika berkenaan) adalah tertakluk kepada caj-caj atau cukai-cukai berkenaan yang ditentukan perlu oleh pihak berkuasa percukaian Malaysia. Adalah penting untuk menyimpan setiap resit yang anda terima sebagai bukti pembayaran premium.

4. Apakah yuran-yuran dan caj-caj yang perlu saya bayar?

Perbelanjaan berkaitan polisi seperti kos pengurusan termasuk duti setem sebanyak RM10 telah dimasukkan ke dalam jumlah premium anda. Tiada komisen dikenakan untuk pelan ini.

5. Apakah terma-terma dan syarat-syarat utama yang perlu saya tahu?

- a) Kepentingan Pendedahan – Untuk membantu Kami membuat keputusan yang tepat dalam menerima risiko dan menentukan kadar dan terma-terma polisi anda, anda dikehendaki menyatakan semua maklumat yang relevan, termasuk keadaan perubatan (jika berkenaan) dan umur dengan betul. Sekiranya maklumat ini disembunyikan atau didapati tidak tepat, ia berkemungkinan akan menyebabkan pembatalan polisi ini, tuntutan tidak dibayar, atau terma dan syarat polisi diubah.
- b) Tempoh Tangguh - Tempoh masa tambahan yang diberikan kepada anda untuk membayar premium yang perlu dibayar. Tempoh tangguh di bawah polisi ini adalah 31 hari dari tarikh premium perlu dibayar. Polisi anda akan luput jika premium yang perlu dibayar tidak diterima dalam tempoh tangguh.
- c) Tempoh Percuma - Anda berhak untuk membatalkan polisi dengan memberikan arahan bertulis kepada Kami dalam tempoh 15 hari selepas polisi telah diterima oleh anda. Kami akan mengembalikan premium yang telah diterima. Bagi pembatalan polisi yang diminta oleh orang utama yang diinsuranskan dalam tempoh percuma, Kami akan menamatkan polisi ini dan mengembalikan jumlah premium telah diterima di bawah pakej keluarga kepada anda. Polisi ini dianggap telah diterima oleh Kami pada tarikh ia dihantar sendiri, atau pada tarikh ia diposkan kepada Kami jika dihantar melalui pos berdaftar atau pada tarikh transmisi jika dihantar secara elektronik.
- d) Pakej Keluarga – Penamatan polisi orang utama yang diinsuranskan akan menamatkan perlindungan polisi bagi ahli-ahli keluarga lain dibawah pakej keluarga.

Nota: Senarai ini adalah tidak menyeluruh. Sila rujuk kepada polisi untuk terma-terma dan syarat-syarat yang lengkap.

6. Apakah pengecualian utama di bawah pelan ini?

i) **Bunuh Diri**

Sekiranya orang yang diinsuranskan membunuh diri, ketika siuman atau tidak siuman, dalam tempoh 1 tahun dari tarikh pengeluaran polisi ini, liabiliti Kami adalah terhad untuk mengembalikan jumlah premium yang telah dibayar, tanpa faedah.

ii) Apabila kematian dan HUMK yang bukan disebabkan oleh kemalangan berlaku dalam tempoh 1 tahun dari tarikh pengeluaran polisi, manfaat kematian atau HUMK yang akan dibayar adalah mengembalikan jumlah premium yang telah dibayar, tanpa faedah.

iii) Bagi manfaat kemalangan dan HUMK, tiada manfaat akan dibayar bagi kejadian atau keadaan berikut yang berlaku secara langsung atau tidak langsung:

- a) Kecelakaan diri sendiri atau kematian yang disengajakan, bunuh diri atau cubaan membunuh diri, ketika siuman atau tidak siuman;
- b) Penyertaan dalam apa-apa perbuatan jenayah atau menyalahi undang-undang, mogok, rusuhan, keganasan, atau kekecohan awam;
- c) Penyertaan dalam sukan atau aktiviti yang berisiko atau berbahaya, penerbangan atau sebarang aktiviti udara (kecuali sebagai penumpang yang membayar tambang atau anak-anak kapal dalam laluan biasa yang dikendalikan oleh syarikat penerbangan komersial);
- d) Penggunaan alkohol, ubat-ubat atau narkotik tanpa preskripsi atau yang menyalahi undang-undang; atau
- e) Virus Kurang Daya Tahan Manusia (HIV) atau Sindrom Kurang Daya Tahan Penyakit (AIDS).

Nota: Senarai ini adalah tidak menyeluruh. Sila rujuk kepada polisi untuk senarai pengecualian-pengecualian yang lengkap.

7. Bolehkah saya membatalkan polisi ini?

Sekiranya notis pembatalan bertulis diterima selepas tempoh percuma 15 hari tersebut, tiada pengembalian premium dan tiada nilai serahan akan dibayar di bawah polisi ini.

Bagi pembatalan polisi yang diminta oleh orang utama yang diinsuranskan di bawah pakej keluarga, Kami akan menamatkan semua polisi di bawah pakej keluarga tanpa pengembalian premium dan tiada nilai serahan akan dibayar.

8. Apakah yang perlu saya buat sekiranya terdapat perubahan kepada butir-butir perhubungan saya?

Adalah penting untuk anda memaklumkan kepada Kami segala perubahan kepada butir-butir peribadi anda (termasuk penama dan/atau pemegang amanah) bagi memastikan semua surat-menyurat sampai kepada anda dengan kadar segera. Sila menghantar e-mel ke info@etiqa.com.my, atau hubungi Etiqa Online di 1300-13-8888.

9. Dimanakah boleh saya memperolehi maklumat lanjut?

Jika anda mempunyai sebarang pertanyaan lain, atau memerlukan maklumat lanjut, sila hubungi Etiqa Online dengan menghubungi 1300-13-8888, atau tulis kepada Etiqa Life Insurance Berhad (201701025113), Dataran Maybank, No 1, Jalan Maarof, 59000 Kuala Lumpur; atau melalui faksimili 03-2297 3800, atau menghantar e-mel ke info@etiqa.com.my, atau dengan menghubungi 03-2297 3888, atau kunjungi www.etiqa.com.my. Etiqa Life Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

10. Lain-lain jenis perlindungan serupa yang boleh didapati

Sila rujuk kepada laman web Kami di www.etiqa.com.my untuk lain-lain jenis perlindungan serupa yang sedia ada.

NOTA PENTING:

PENYERTAAN DALAM INSURANS HAYAT MERUPAKAN SUATU KOMITMEN KEWANGAN JANGKA PANJANG. ANDA HARUS MEMILIH JENIS POLISI YANG PALING SESUAI DENGAN KEADAAN PERIBADI ANDA. ANDA JUGA PERLU MEMBACA DAN MEMAHAMI POLISI INSURANS ATAU TERUS MENGHUBUNGI KAMI UNTUK MAKLUMAT LANJUT.

Maklumat di dalam Helaian Pendedahan Produk ini sah pada [<Issue Date>](#).